

ասում է, թե այն ընդգրկում է «հայ ազատագրական շարժումների մարզերից մեկը ... ազատագրական մարի պատմության գաղափարաբանական ոլորտը» (էջ 7)։ Հեղինակը քննարկում է հայ ժողովրդի հասարակական-քաղաքական պատմության բաղմամբիվ հարցեր, որոնցում գրանք անհրաժեշտ են ազատագրական շարժման գաղափարաբանության սոցիալ-դասակարգային միջավայրը, էությունը և նպատակադրումը պարզելու տեսակետից։ Ժամանակագրական տեսակետից ներկա առաջին գիրքը ընդգրկում է քննարկվող հարցերը՝ սկսած վաղ միջնադարից մինչև XVII դարը։

Գրախոսվող հատորը բաղկացած է երկու բաժնից. դրանցից առաջինում ուսումնասիրվում է հայ ազատագրական առասպելը, իսկ երկրորդում՝ առասպելի սոցիալական միջավայրը։

Հայ ազատագրական միտքն արտահայտվել է տարբեր ձևերով ու եղանակով՝ օտար տիրապետության դեմ մղվող պայքարին մասնակից հասարակական խավերից յուրաքանչյուրին բնորոշ մտայնությամբ, ներքին կեղծերիչների դեմ աշխատավոր ժողովրդի մղած պայքարի գաղափարախոսության, ժողովրդական հերոսավեպի ձևով և դրականության մեջ թափանցած ազատագրական առասպելների ու գուշակությունների ձևով։ Հեղինակը աշխատությանն առաջին բաժնում քննարկում է հայ ազատագրական առասպելը, որն իր արտահայտությունն է գտել ներսես Պարթևի վերագրվող տեսիլի, Ագաթոնի և Կոզեռնի գուշակությունների, «Դաշանց թղթի» կամ Հռոմի հետ «սիրո և միության թղթի» մեջ և դրանց ուղ միջնադարյան դրսևորումներում։

Այդ տեսիլքներն ու գուշակությունները իրենց տարրեր պատմաբանությամբ ու պատմա-քաղաքական հանգամանքների փոփոխություններով պայմանավորված խմբագրություններով խոսում են հայ պետականության անկման, Լուսավորչի հայրապետական տան վերացման, օտար տիրապետությունների մեկը մյուսին հաջորդելու մասին և ունեն մի ընդհանուր միտում, որով հայկական գահի և հայրապետական աթոռի վերականգնումը անկախվում էր հույն, հռոմ, ֆրանկ դրսեկ ուժերի օգնությամբ։

Հայ ազատագրական առասպելը կղերա-ֆեոդալական պատմագրությունը քննարկել է ֆեոդալական և եկեղեցական գաղափարախոսության դիրքերից, իսկ հայ բուրժուական պատմագրության ներկայացուցիչները ավելի ուշագրություն են նվիրել առասպելը պարունակող աղբյուրների բանասիրական քննությանը, չկարողանալով վեր հանել առասպելի բուն էությունը, գիտելով այն կտրված իր սոցիալա-

կան միջավայրից և ժողովրդական զանգվածների մղած ազատագրական պայքարից. հայ ազատագրական առասպելը պարունակող տեսլային գրականությունը ոմանք գիտել են սոսկ որպես «հայ կղերական գիվանագիտության հերյուրանք»։

Առոտ Հովհաննիսյանը, հայ ազատագրական մտայնությունը բացահայտող գրականությունը քննարկելով մարքսիստական պատմագրության դիրքերից, բացահայտում է ազատագրական առասպելի բուն էությունը, նրա կրած փոփոխություններն ու զարգացման ընթացքը՝ հայ ժողովրդի պատմության շրջադարձային փոփոխություններին համեմատ, խորը կերպով վերլուծում է ազատագրական առասպելի սոցիալական միջավայրը. «Դրվագների» հեղինակը հատուկ ուշադրություն է դարձնում ժողովրդական զանգվածների ազատագրական պայքարի պատմության հարցերին, բացահայտում է ներհակ դասակարգերի ու տարրեր սոցիալական խավերի գաղափարախոսության հակամարտը հայ ազատագրական մտքի պատմության մեջ։ Նա ցույց է տալիս, որ իշխող ֆեոդալական դասերի և ժողովրդի որդեգրած ազատագրական գաղափարները միանգամայն տարբեր էին իրարից։

Այս ամենով հանդերձ պիտի նշենք, որ հեղինակը իր դրվագների առանցքը դարձնելով ազատագրական առասպելի քննությունը, անհրաժեշտ չափով չի քննարկել և վերլուծել հայ ազատագրական մտքի այն դրսևորումները, որոնք իրենց արտահայտությունն են գտել պարսից և արաբական տիրապետության դեմ հայ ժողովրդի մղած դարավոր պայքարի գաղափարախոսության մեջ։ Այս հարցերի լուստրանության համար զգալի նյութ կտալին V—X դարերի մատենագիրները, ինչպես և «Սասնա ծռեր» ժողովրդական վեպը, որոնք պատշաճ չափով չեն օգտագործված։

Բացահայտելով ազատագրական առասպելի պատմական զարգացումն ու կրած փոփոխությունները՝ հեղինակը պարզում է, որ ներսես Պարթևի տեսիլի հնագույն աղբյուրները և վերսիան անգրագարձերը են հայ իշխող դասերի սպասումները հույներից (Բյուզանդիայից), իսկ մեզ հասած 1131 թ. խմբագրությունը՝ նաև դառը հիասթափությունը նրանցից, քանի որ «Յունաց թագավորն, — Ուռհայեցու ասելով, — ոչինչ փրկություն են դորժեալ քրիստոնեից, այլ մանաւանդ խլումն և առումն քաղաքաց և դաւառաց. և նոցա շնորհին ելան Հայք երկրէն իւրեանց և այլազգիքն զօրացան և եկեալ տիրեցին ամենայնի» (էջ 27)։ Ահա թե ինչու տեսիլքի այդ խմբագրության մեջ ազատարները դերը վերապահվում է ֆրանկներ-

րին, որոնց միջամտությամբ է ակնկալվում հայերի ազատագրությունը «նետոլներին» (իմս՝ սեյտներին) և հույներին:

Հեղինակը ցույց է տալիս, որ ազատագրական ակնկալությունների նույն ուղին անցել են նաև Աղաթոնի և Վոգելենի դուշակությունները: Այնուհետև վերլուծելով «Դաշանց թուղթը», որը առասպելաբար ներկայացվում է որպես «սիրո և միաբանության» դաշինք, իրեն թեկնդված մի կողմից՝ հայոց Տրդատ թագավորի և Գրիգոր Լուսավորչի, մյուս կողմից՝ Հռոմի կոստանդինոս կայսրի և Սեղեստրոս պապի միջև Հեղինակը իրավացի կերպով եզրակացնում է, թե «Դաշանց թուղթը» Կոստանդինոսի և Տրդատի ժամանակներից մեզ փոխադրում է խաչակրաց արշավանքների և կիլիկյան հայ թագավորության միջավայրը, անդադարձնելով մի կողմից՝ այդ ժամանակների հայ ֆեոդալական շրջանների ազատագրական սպառնալուծությունը, մյուս կողմից՝ խաչակիրների ու նրանց ոգեշնչող Հռոմի եկեղեցու շահախնդիր քաղաքականությունը Արևելքի նկատմամբ: Իր էությունով «Դաշանց թուղթը» հուշակոմ է Հռոմի եկեղեցու տիեզերական եկեղեցապետության գաղափարը:

Հեղինակը հատկապես բնորոշում է, թե «Դաշանց թուղթը» կոչված էր հիմնավորելու կիլիկյան կաթողիկոսների հպատակությունը Հռոմի եկեղեցուն և վավերացնելու կիլիկյան թագավորների վասալական կախումը դրախտի բանալուն տիրացած Պետրոսի գահաժառանգից, ուստի «Դաշանց թղթի» «գաղափարական առանցքը կազմում են միսիոներական թևերը առաջնության իդեաները»,—ասում է հեղինակը, իսկ «բուն ջերմոցը՝ Ինոկենտիոս III-ի Հռոմը»:

Ճիշտ է այս ընդհանրացումների հիմնական իմաստը, բայց ավելի լավ պարզելու համար, թե ինչո՞ւ նման գաղափարներ ընկալվում, նույնիսկ ծագում էին հայ միջավայրում, անհրաժեշտ էր ավելի հանգամանորեն լուսաբանել կիլիկյան թագավորության, բնդհանրապես հայ ժողովրդի պատմության խիստ բարդ իրադրությունները, ստեղծված ծանր վիճակը և դրանից ելք գտնելու որոնումները, հայերի քաղաքական նպատակադրումները, որոնք ուղեկցվում էին նաև սխալանքներով:

Բաժնի վերջում հեղինակը խոսում է մոնղոլների, թուրքերի և սեֆեվյան Պարսկաստանի տիրապետությունների ժամանակաշրջաններում Հայաստանի և հայ ժողովրդի համար ստեղծված անտանելի ծանր վիճակի մասին և նշում ազատագրված քաղաքական մտքի դիմաշրջումը դեպի նոր հորիզոն ու հուսակայան՝ դեպի Ռուսաստան:

Քննարկվող գրքի երկրորդ բաժինը նվիրված է առասպելի սոցիալական միջավայրի վերլուծությանը և կազմում է գրքի առավել կարևոր և ծավալուն մասը (15-ը), որտեղ ավելի ցայտուն կերպով ներառն են գալիս հեղինակի լայն իմացություններն ու հետադոտող մտքի թափը: Այս բաժնում քննարկված հարցերը շատ բազմազան են և ընդգրկում են հայ ժողովրդի քաղաքական ու մտավոր պատմության շատ կողմերը՝ Մերձավոր Արևելքի պատմության կապակցության մեջ, ուստի նրա վրա ավելի հանգամանորեն կանգ կառնենք:

Այս բաժնում խոսելով հայ ժողովրդի պատմության տարրեր դարաշրջանների մասին, հեղինակը միանգամայն տեղին ջանում է ցույց տալ, թե ինչն էր կազմում տվյալ շրջանի պատմության սոցիալական կամ քաղաքական տրանցքը:

Երկրորդ բաժնի առաջին գլխում նշելով, որ Արշակունյաց հարստության ժամանակ, մասնավորապես նրա անկումից հետո երկրի փաստական տերերը նախարարներն էին, հեղինակը համաձայնում է բանասեր Վ. Նալբանդյանի հետ, որ V դարի կեսերին, Վարդանանց պատերազմի նախօրեին և պատերազմի ընթացքում Արշակունյաց գահի ժառանգորդի հավակնությունը սուր վերացրած Սյունյաց, Մամիկոնյան, Արծրունյաց և Բագրատունյաց նախարարական տները միջև եղած պայքարը կազմում էր Հայաստանի պատմության քաղաքական տրանցքը: Հեղինակը այդ թեզը զարգացնելով տարածում է 481—484 թթ. պատերազմի վրա:

Հայ պետականության վերականգնման անհաջողությունը չէր նշանակում այդ ուղղության մեջ տաժվող երազանքի սպառնալուծական շրջաններում, բայց պառակտված ֆեոդալները իրենց հույսը պետք է դնեին դրսի ավելի զորեղ մի ուժի վրա: Ահա թե ինչու ազատագրական առասպելը հաջորդաբար արտահայտում էր բուն Հայաստանի և կիլիկիայի ֆեոդալական շրջաններում գերիշխած կողմնորոշումը նախ և առաջ դեպի հույները, ապա՝ դեպի ֆրանկների միջամտությունը:

Խոսելով Հայաստանի և Անդրկովկասի պետական միավորման փորձերի անհաջողության մասին X—XIII դդ., հեղինակը իրավացիորեն դա բացատրում է երկրի զարգացման ցածր մակարդակով և բնական տնտեսության գերիշխումով, մի խոսքով՝ միավորման համար տրեստական հիմքերի բացակայությամբ:

Ուշագրավ է հեղինակի եզրակացությունը, թե «Հայաստանի, Վրաստանի և Աղվանքի (հետագայում Ադրբեջան) վերամիավորման գործը, ի դեմս տեղական ֆեոդալների, հաջորդաբար ստանձնում էին հայերը՝ IX—XI դարերում և

վրացիները՝ XI—XIII դարերում, XV—XVI և XVII—XVIII դարերում նման փորձերով հանդես էին գալիս մերթ ադրերջանցիները, մերթ վրացիները»:

Ներսես Պարթևի տեսիլքի մեջ Արշակունիների պետությունը դիտվում է որպես հայոց ու վրաց պետություն, Մուշեղ Մամիկոնյանը նույնպես հայոց և վրաց զորավարն է, կաթողիկոսի վիճակը Հայաստանն է ու Վրաստանը: Այս և նման փաստերի հիման վրա հեղինակը եզրակացնում է, որ «նախապես Ներսեսի անվան հետ կապված առասպելը առաջացել էր հայ-վրացական բաղադրական միավորմանը հարող ֆեոդալների միջավայրում կամ համեմատելիս, հրապարակ բերվել նրանց ձգտումներն ու սպասումները «իմնավորելու համար» (էջ 128—129):

Անդրկովկասի և Հայաստանի միավորված թագավորության ստեղծման գործը XI դարում գտնվում էր վրաց Բագրատունիների ձեռքում: Այդ բանը ավելի ցայտուն կերպով երևան եկավ XII դարում, մանավանդ սելջուկների պետության քայքայումից հետո և XIII դարի սկզբներին:

Միանգամայն իրավացի է հեղինակը, պրնդելով, թե «Վրաց Բագրատունիների միավորական ջանքերը անհամեմատ ավելի երկարատև ու արդյունավոր եղան, քան հայ Բագրատունիներին»։ Բացատրվում են և գրաբաղադրական պատճառները՝ սելջուկների պետական միասնության քայքայումը, խաչակիրների պայքարը սելջուկների դեմ, Բյուզանդիայի թուլացումը, որոնցից մեծապես շահում էր Վրաստանը: Նշվում է նաև Վրաստանի քաղաքաբնակչության մեծացումը, առևտրի զարգացումն ու առևտրականների դերի աճը և այլն: Սակայն պիտի ասել, որ վրաց պետության սոցիալ-տնտեսական հիմքերի մեջ եղած փոփոխությունները և դրական առաջադիմությունը՝ հալ Բագրատունիների պետության խիստ թույլ հիմքերի համեմատությամբ, անհրաժեշտ չափով չի յուսարանված:

Վրաց պետության միավորիչ ջանքերին և գրանց հաջողություններին համեմատ աճում է վրաց և հայ ժողովուրդների բարեկամության դադափարը, այժմեականություն են ստանում երկու ժողովուրդների անցյալի համերաշխությունն ու կապերը և դրանք նշանավորող ավանդությունները՝ հայ և վրաց լեզուների ազգակից լինելու, հայոց Արշակ թագավորի՝ մորով Արշակունի, հորով՝ Ներսիսյան—Փառնավազյան ծագման, Արշակի թագը վրաց թագավորներին փոխանցվելու մասին և այլն:

Այս գաղափարները մարմնավորվում կամ իրենց անդրադարձումն էին գտնում XI—XIII

դարերում պատմական այնպիսի եզրկությունների մեջ, ինչպես հայ և վրաց թագավորական տների միջև և Շաղաղյանների հետ ինամիական կապերի հաստատումը, Անիի թագավորության անկման պահին՝ 1045 թ. որպես հայոց դահի ժառանգորդ վրացիներին ճանաչելու քաղաքական ուղղության առկայությունը, 1124 թ. Շաղաղյանների դեմ ապստամբած անցիների դիմումը վրաց Դավիթ IV թագավորին և նրա իշխանության ու հովանավորության ճանաչումը, հետագայում նույն կարգի դիմումը Կարսի բնակչության կողմից, Դվինի առումը վրացիների ձեռքով իրեն քաղաքի ազատագրություն դիտելը, հայերի գինակցությունը վրաց պետության մեջ՝ Զարարի և Իվանի գլխավորությամբ, կրոնական հանդուրժողականությունը և այլն: Պիտի նշել, որ Անդրկովկասի ժողովուրդների բարեկամության միջնադարյան տեսությունների ու գաղափարաբանության բացահայտումը Աշոտ Հովհաննիսյանի գրքի դրական կողմերից մեկն է:

Հայերի քաղաքական կապերի ու կողմնորոշման և հայ-վրաց բարեկամության ու գինակցության տեսակետից կարևոր է Զարարյանների ու նրանց իշխանության և վրաց թագավորության փոխհարաբերության հարցը: Այդ հայ իշխանները տիրում էին Հյուսիսային Հայաստանի մեծ մասին, սակայն նրանց տիրույթները մտնում էին վրաց պետության սահմանների մեջ: «Զարարյանների գինական և քաղաքական-վարչական հաջողությունները հայ ֆեոդալական միջավայրում աճեցրել էին հայ քաղաքական ինքնության պրնդ տրամագրությունները: Զարարյանները իրենց ազգակից էին համարում հայ Բագրատունիներին ու նրանց գահի հավակնորդն էին, իրենք իրենք մեծարելով «թագատրագն», «թագալոր», «աշխարհակալ», «շահնշահ» տիտղոսներով: Նրանք վաշկում էին ինքնուրույնություն, սակայն այդ սմենով հանդերձ չէին դադարում և չէին հրաժարվում վրաց սյուզերենների վասալներ լինելուց: Այսպիսով հեղինակը բնթևորդին ճիշտ է կողմնորոշում բնթևոր հարցի նկատմամբ:

«Վրաց Բագրատունիների ներքո,— գրում է Աշոտ Հովհաննիսյանը,— հայ վասալները վաշկում էին տեղական ֆեոդալական նույն ազատությունները, որպիսին հայ Բագրատունիների ժամանակ վաշկում էին վրաց վասալները» (էջ 160)։... «Այստեղ ժողովուրդների քաղաքական համակեցությունը հանգչում էր ոչ թե նրանց իրավահավասարության կամ, ինչպես կարծել են ոմանք, նրանց «ֆեդերատիվ» կապերի, այլ ֆեոդալական սուբորդինացիայի սկզբունքի վրա, որ համապատասխանում է

ֆեոդալական հիերարխիայի մեջ այդ ժողովուրդների իշխող դասի գրաված դիրքին և սրանց դասային իրավասության և նպատակության պարտավորությունների տարբեր աստիճաններին» (էջ 161):

Այլ կերպ պատկերացնել այդ երկրների հարաբերությունները,— դրում է հեղինակը,— կնշանակեր ոչ միայն արդիականացնել միջին դարերում իշխած իրադրությունը, այլև մի նայտնի չափով քողարկել ֆեոդալական հիերարխիայի սխառմով կառուցված հարաբերությունների դասակարգային էությունը» (էջ 161): Մենք համաձայն ենք հեղինակի հետ:

Մոնղոլական նվաճումները նոր և առավել ծանր փորձություններ բերեցին հայ ժողովրդին: Հայ և վրաց ֆեոդալները հպատակվելով մոնղոլներին, ձգտում էին պահպանել իրենց տիրույթներն ու արտոնությունները, ուստի և առժամանակ հրաժարվեցին պայքարից, գործակցեցին նրանց: Ոմանք փորձում էին նույնիսկ իրական ուժ հաղորդել իրենց «թագավոր» կամ «արքա» փրօն պատվանուններին: Սակայն շուտով վրա հասավ հիասթափությունը մոնղոլներից և վրացի ու հայ ֆեոդալները համատեղ պայքար սկսեցին նրանց դեմ: Վճռականություն չից գուրկ և ժողովրդական լայն զանգվածների վրա չհենվող այդ պայքարը, իհարկե, հաջողություն բերել չէր կարող և ճնշվեց:

Մոնղոլները ամրապնդելով իրենց դիրքերը, հակադրվելով սելջուկներին և կամենալով դավթել նրանց ենթակա երկրները, ցուցաբերեցին եվրոպական միապետների ու Հռոմի պապի հետ բանակցելու և սելջուկների դեմ ընդհանուր ճակատ կազմելու տրամադրություններ: Այդ հանգամանքը խրախուսում էր հայ և վրաց ֆեոդալներին՝ առավել ջերմ արձագանք գտնելով Կիլիկիայի արքունիքում:

Հայտնի են Սմրատ Գունդուստարյի և Հեթում I թագավորի բանագնացությունները Գուշուկ և Մանգու խանների մոտ՝ Կարակորում: Հեղինակը խոսելով այդ եղելությունների մասին մերժում է պատմագիտության մեջ տեղ գտած այն կարծիքը, թե դա նշանակում էր Կիլիկյան հայկական թագավորության հրաժարումը արևմտյան կողմնորոշումից և նոր «արևելյան կողմնորոշուման» ընդունում:

Հեղինակի կարծիքով դա ոչ այլ ինչ էր, քան Կիլիկիայի՝ «Հին արևմտա-եվրոպական կողմնորոշման նոր դրսևորում», քանի որ նրանք չանցան սելջուկների ու արաբների կողմը՝ խաչակիրների դեմ պայքարելու համար, այլ հանգամանքներից դրված հպատակվեցին մոնղոլներին ու դաշնակցեցին նրանց հետ, երբ նման դաշինք որոնում էին և եվրոպական պետությունները:

Հեթումյանների և նրանց հաջորդած Լուսինյանների արևմտյան կողմնորոշումը,— եզրակացնում է հեղինակը,— միայն վնաս բերեց հայերին և արագացրեց Կիլիկյան հայ թագավորության կործանումը:

Հուսահատությունը և հիասթափությունը եվրոպայից իրենց արտահայտությունը դուրս եկավ ժամանակի հայ գրականության մեջ: Թեև դրական կամ բացասական վերաբերմունքը դեպի եվրոպական պետությունները միասնական բնույթ չի կրել: Եվրոպական պետությունները, Հռոմի պապը և նրանց առաջապահ խաչակիրները Արևելքում հետապնդում էին քաղաքական, տնտեսական և դավանարանական շահախնդիր նպատակներ, ուստի նրանց ունիտորական փորձերը հանդիպում էին հայ ժողովրդի, նրա առաջավոր մտածողների ու գործիչների, այլև մոլոտանդ եկեղեցականներից ու ֆեոդալներից շատերի համառ դիմադրությանը: Աղետալի եղավ նաև հայ-մամուլոքյան հակամարտության և Կիլիկիահայերի եվրոպական կողմնորոշման ավարտը, որը բերեց պետության կործանում և բնակչության զգալի մասի արտագաղթ, անհայտության մեջ կորչելու տխուր հեռանկարով:

Ավելի լավ կլիներ, որ այս բաժնի երկրորդ գլխում ընկեր առասպելի եկեղեցական միջավայրը, սակայն դա թողնելով հաջորդ գլխին, հեղինակը անցնում է քաղաքային բնակչության և առասպելի փոխհարաբերության հարցին:

Գլխի սկզբում խոսելով Հայաստանի քաղաքների վերելքի մասին, հեղինակը բոտ էություն հետևում է մինչև վերջերս գրականության մեջ իշխող այն սխալ տեսակետին, թե այդ վերելքի հիմնական պատճառը գերազանցապես տարանցիկ առևտրի զարգացումն էր: Հեղինակը գրտնում է, որ քաղաքների զարգացմանը համընթաց դրսևանում է քաղաքային պատրիցիատը, որը ներգրավված լինելով միջազգային առևտրի մեջ, համակվում է դեպի Բյուզանդիան կողմնորոշվող հայ ֆեոդալների մտայնությամբ:

Այնուհետև ասվում է. «Հայաստանի քաղաքային աղանակության վերնախավերի այդ տրամադրությունն ու կողմնորոշումը զգալի է մանավանդ ազատագրական լեգենդի նոր նստվածքներում» (էջ 195):

Կարևոր և ուշագրավ է քաղաքային վերնախավի ներկայացուցիչներին կամ մեծատուններին տրվող բնութագրերը:

Մեջ բերելով բազմաթիվ փաստեր և տալով Տիգրան Հոնենցի, Սահմադիսի, Ումեկի, Շնորհավորի, Սահիպ Դիվան Շեմս էդ-դինի սոցիալական սպառիչ բնութագրերը, հեղինակը ցույց է տալիս, որ առևտրական և վաճառու մեծա-

տունները ձեռք բերելով Ռոդ և անշարժ ունեցվածք, ֆեոդալականանում էին Այս տեսակետը մենք ևս արտահայտել ենք մեր աշխատություններին մեջ, առարկելով դոկտ. Վ. Չալոյանի բոլորովին թյուր կարծիքի դեմ, թե հարստությունների կուտակումը մեծատունների ձեռքում X—XIII դդ. նշանավորում էր կապիտալի նախասկզբնական կուտակումը:

Մոնղոլների տիրապետության ժամանակ Հայաստանը և մասնավորապես նրա քաղաքները ենթարկվում են ծանր հարկահանություն, մանավանդ հարկահանություն սխտեմի աղղկեցությանը և դիմում դեպի անկում:

Հեղինակի կարծիքով դրան առավելապես ենթակա էր Հարավային Հայաստանը, իսկ Հյուսիսային Հայաստանում Զաքարյանների, Վահրամյանների և Օրբելյանների տիրությունները ազատ էին մոնղոլ-բաղկականների կամ արանց հետ կապված խոշոր կապալառուների միջամերտությունից, ուստի տեղ-տեղ հայտնի չափով շարունակվում էր տնտեսական նախկին բարձր վիճակը: Մակալյու պետք է ասել, որ այդ վերաբերում է ոչ թե ամբողջ Հյուսիսային Հայաստանին կամ հեղինակի թված Զաքարյան, Վահրամյան և Օրբելյան երկրներին, այլ միայն Օրբելյանների տիրույթ Սյունիքին, որը ստացել էր ինքուրական իրավունք:

Հեղինակը իրավացի նկատում է, որ Հայաստանի տնտեսական քայքայումը, Արևմուտքի հետ կապերի թուլացումը և հայ ֆեոդալների ու քաղաքային վերնախավի ներգրավումը մոնղոլական հարստահարչական սխտեմի մեջ թուլացրին ազատագրական առասպելի ձգողական ուժը:

Հեղինակը հաջող է բնութագրում քաղաքային վերնախավի դերը ազատագրական մտքի պատմության մեջ: Միայն ունենք մի մասնակի դիտողություն: Չենք կարող համաձայնել հեղինակի հետ, երբ նա պնդում է, թե «Հայ քաղաքների գլխավորը» կազմում էր եվրոպական՝ միջնադարի «պատրիցիատին» համապատասխանող այն վերնաշերտը, որին մեղադրում են հակադրված էին քաղքենի «ռամիկները» — պլերսու...» (էջ 231): «Գլխավորը քաղաքին» Հայաստանում կազմում էին միայն քաղաքային ինքնավարության մեջ մտնող անձինք, որոնք լինելով քաղաքային վերնախավի ներկայացուցիչները, չեն նույնանում նրա հետ:

Տեղին և կարևոր ենք համարում հեղինակի եզրակացությունը, որ քաղաքաբնակ մասնատները շրջակա գյուղերի բնակչության հետ միասին պաշտպան էին կանգնել իրենց երկրին և քաղաքներին, դրանով դրսևորելով իրենց բացասական դերավորումը իշխող խավերին ոգևշնող ազատադրական առասպելի հանդեպ: Թե՛ քաղաքի, և թե՛ գյուղի աշխատավորները չէին

բաժանում Արևմուտքի օգնությունը ազատագրվելու պատրանքները:

Հեղինակը ճիշտ է նկատում, որ քաղաքների բնակիչները պայքարում էին ինչպես օտար նվաճողների, նույնպես քաղաքի ֆեոդալ իշխողի դեմ: Սակայն միակողմանի կլինելու Անիի բնակչության 1124 թ. ապստամբությունը Մանուչեի որդի Արուստարի դեմ վերագրել միայն կամ գերազանցապես տիրող կացության վատթարացմանը: Այդ ապստամբության գլխավոր պատճառը քաղաքային բնակչության և քաղաքի տեր ֆեոդալի հակամարտն էր: Անիի սկսում էր ամոքել սելջուկների հասցրած ծանր վերքերը, առաջ տանել քաղաքային ինքնավարության դործը, սակայն դրան խանգարում էր քաղաքի ենթակա լինելը մի ֆեոդալ տիրոջ: Անիի և Հայաստանի մյուս քաղաքների միավորումը վրաց պետության մեջ ձեռնտու էր վրաց պետությանը, քանի որ լնդլանում էր նրա տնտեսական և սոցիալական բազան, ինչ որ ճիշտ նշում է Ա. Հովհաննիսյանը: Սյուն կողմից՝ Հայաստանի քաղաքները մտնելով վրաց պետության կազմի մեջ՝ սղատաղրվում էին տվյալ ֆեոդալին պատկանող (սենիորայ) քաղաքի պակաս նպաստավոր վիճակից և դառնում պետական ընդհանուր ենթակայության քաղաքներ, դրանով հնարավորություն էին ստանում դարգացնելու իրենց ինքնավարությունը և տնտեսական ու քաղաքական աճման ավելի լայն հնարավորություններ էին ձեռք բերում: Այս իմաստով պիտի հասկանալ Ուսահյեցուն, երբ նա Անիից Մանուչեի որդիների վտարման առթիվ ասում է. «եվ աղա-տեցաւ ի ծառայութենէ թագաւորաբնակ քաղաքն Անի, որ կացեալ էր ի ծառայութեան զամս վաթսուն»: Շատ բնորոշ է, որ Կարսի բնակչությունն էլ 1206 թ. դիմելով Ռումի թագուհուն և հայտնելով հանձնվելու պատրաստակամություն, պայման էր դնում, որ թագուհին քաղաքը չհանձնի ուրիշի ձեռքը, այլ ենթարկի իրեն՝ հռչակելով «թագավորական քաղաք»: Կարսի փաստը նկատի ունենալով, հեղինակը ճիշտ է նկատել «քաղաքացիների և ֆեոդալական տեղական իշխողների հակամարտը», սակայն չի բացահայտել դրա իմաստը և հարցը չի մեկնաբանել պատշաճ չափով:

Գլխի վերջում հեղինակը ցույց է տալիս, որ «ժողովրդի վարի խավերի և ամենից առաջ քաղաքային պլերսի կացությունն ու փոթորկվող ներքին աշխարհը» իրենց առավել պայծառ արտահայտությունն են դրել հանճարեղ Ֆրեկի խոհերի մեջ:

Ֆրեկին էլ մի պահ համակել է Արդուն խանին ազատագրարի դերում տեսնելու պատրանքը: Սակայն բանաստեղծի հիասթափությունը շուտ է վրա հասնում: Նա ցասկոտ խորազանում է

Ֆեոդալական հասարակության անարդարությունները և անօրեն բռնակալների կեղեքումները:

Ֆրիկը հույսեր չի տաժում դեպի հույները և ֆրանկները, խարազանում է առաջինների բարձրահոգությունը, երկրորդների շահախնդրությունը, նրանց անմիարանությունը:

Եթե երիտասարդ Ֆրիկը անձնապաստան կենսագրությամբ որոնում էր անձնական երջանկություն, ապա հասուն Ֆրիկը երազում էր ամենի բարեկեցությունն ու երջանկությունը՝ խորսված անհատական աշխատանքի ու շնորհքի ազատ կենսագործման վրա, առանց ստրկական ծառայության ու ճորտության: Դարադաքի ու դյուղի աշխատավորության ազատագրական ձգտումների ու երազանքի արտահայտությունն էր:

Երկրորդ բաժնի երրորդ դրուիը խորագրված է «Եկեղեցին և լեզնեդը»: Եկեղեցին լինելով ինչպես Ֆ. Էնգելսն է ասել՝ «Ֆեոդալական սիրտումի առավել ընդհանուր սինթեզը և սանկյիան», ինքը խոշոր հողատիրական ֆեոդալական կազմակերպություն էր, այդ հասարակությունն տնտեսական և քաղաքական կյանքի անբաժան մասը:

Պարոնից տիրապետության դեմ V դ. մղվող ազատագրական պայքարը եկեղեցին ջանում էր ամբողջովին պարուրել կրոնական դադափարախոսությամբ, նույնիսկ նպատակադրումով, Բաղրատունիների ժամանակ եկեղեցին դաշնակից էր հայ թագավորների վարած միավորման քաղաքականության, իսկ երբ այդ քաղաքականությունը ձախողվեց և Բագրատունիների թագավորությունն էլ վերացվեց, եկեղեցին հավակնում էր բռնելու վերջինիս տեղը՝ հայ ժողովրդի քաղաքական կյանքում:

Բնական է, որ միջնադարյան գրականության ասպարեզում տիրապետող դիրք ունեցող հոգեվորականությունը, իրեն ֆեոդալական գաղափարախոսության կրող, պիտի արտահայտեր ֆեոդալական դասերի քաղաքական նկրտումներն ու ուղղությունները, մանավանդ հոգևորականության եկեղեցապետական ձգտումները: Սակայն առարկելով Լեոյին, ճիշտ է նկատում Հեղինակը, որ գա իրավունք չի տալիս ազատագրական առասպելը համարել սոսկ իբրև «հայ-կղերական դիվանագիտության հերյուրանք»: Իբրև ֆեոդալական դաս հոգևորականությունը իր ուլույն նպատակները և ակնկալություններն ուներ, որոնք ավելի ցայտուն կերպով դրսևորվել են «Դաշնացի թղթի» մեջ, բայց այստեղ էլ երևան են եկել ոչ միայն հոգևորականության, այլև ֆեոդալական մշուս դասերի իդեոլոգիան ու ակնկալությունները:

Ազատագրական առասպելը իր նստվածքներով ու շերտավորումներով հիմնականում

ձևավորվել է այն ժամանակ, երբ դեռ ուղղված չէին հույն կայսրների և ֆրանկ խաչակիրների ուժերը, երբ զորեղ էր Վրաստանը, իսկ հայերը ակնկալություններ ունեին ինչպես Ռուրիկյանների, նույնպես և Զաքարյանների զորակազմից: Հայտնի է, որ երկրի դրությունը դեպի վատը փոխվելու հետևանքով առասպելը ոտնդժող միջավայրը, ներառյալ և հոգևորականության ղեկավար մասը, երևա դարձրեց ոչ միայն հույներից, այլև ֆրանկներից, ուր քրեանազատության ենթարկելով նրանց:

Արևմուտքից եկող օգնությամբ ազատագրվելու թեև պատիւ հեռանկարը մոնղոլների ժամանակներից սկսած հետզհետե աղոտանում էր և դրան համեմատ հոգևորականության ճնշող մեծամասնությունն էլ, հրաժարվելով այդ սին հույներից, ապավինում էր առ աստված, հայերի գլխին եկած փորձությունները մեկնաբանում աստծու կամքով, քարոզում հնազանդություն տերերին և փրկությունն էլ սպասում էր աստծու երկնային բարձունքներից:

Հեղինակն առանձին կանգ է առնում Մխիթար Գոշի հայացքների վրա, ընդգծելով որ Գոշն իր գործունեությամբ և Դատաստանագրքով հակադրվում էր Արևմուտքի միջամտությանը և առաջադրում աշխարհիկ ու հոգևոր ֆեոդալների ոչ միայն եկեղեցական, այլև քաղաքական անկախության գաղափարը: Գոշի Դատաստանագրքը, առակաները միտժամանակ նպատակ ունեին մեղմելու սոցիալական հակադրությունները՝ գլուղացիության և քաղաքի աշխատավորության պայքարը ընդդեմ ֆեոդալների, և կենտրոնացնելու նրանց ուղարկությունը արտաքին թշնամու դեմ: Բայց և Գոշը «պահանջում էր, որ արդարադատության կշեռքը ճշտի ու սրբագրի ֆեոդալական սրի կամայական դատաստանը», — պատկերավոր ասում է Հեղինակը: Գոշը դեմ էր ֆեոդալական պառակտվածությանը ոչ միայն Հայաստանում, այլև ձգտում էր հայ-վրացական ուժերի միավորմանը:

Թե ներքին հակադրությունների և թե արտաքին թշնամու դեմ պայքարի հարցերում Գոշը կանգնած էր հակամարտ ուժերի իրական գործունեության հաշվառման և հավասարակշռման բնական օրենքի տեսակետի վրա:

Իր Դատաստանագրքում և առականերում Գոշը ելնում էր այն բանից, որ ուժը և ուժերի հարաբերությունն են օրենքի հիմքը: Սակայն նրա մոտ կոպիտ ուժը դեռ լիովին ազատագրված չէր մտալի սահմանից: Դրանցից մեկն էր նրա խոշոր մարդասիրությունը: Պետության, նրա դերի, իրավունքի, ներքին և արտաքին հարաբերությունների և այլ բազմաթիվ հարցերում Գոշը վեր էր սլանում իր դասի գիտակցության և շահագրգռվածությունների մի-

քին հարթավայրից, մեծապես ընդառաջում երկրի ընդհանուր շահերին, նրա պրոգրեսիվ մղումներին» (էջ 292)։

Գոշի քաղաքական մտածելակերպը աղատ էր դրսի ուժերի միջամտությանը ազատագրության ակնկալող մտայնությանից։ Նա քարոզում էր քաղաքական արթնացում, ինքնուրույնություն և վրաց միավորված պետականության մեջ հայ և վրաց ֆեոդալների գործակցության հիման վրա Հայաստանի քաղաքական ինքնորոշում՝ զուգակցված Զաքարյանների գլխաստիական քաղձանքների հետ։

Կարևոր է նաև վարդան Այդեկցուն տրվող բնութագրերը։ Անդրադարձնելով Կիլիկիայում տեղի ունեցող դասակարգային հակամարտը (մենք կասեինք ոչ միայն Կիլիկիայում), վարդան Այդեկցին քարոզում էր մեղմել զրկողությունը, բայց նա ավելի երկյուղ էր կրում զրկողների դեմ զրկվածների մղած պայքարից և իր քարոզներով ու առակներով ջանում էր մեղմել այդ պայքարը, քարոզում էր հնազանդության տիրողներին և եկեղեցուն։ Նա ծառս է լինում աղանդավորների և հերձվածողների դեմ։ Նա կանգնած չէր կեղեքվողների մղած պայքարի դիրքերում, այլ միայն ջանում էր սոցիալական խաղաղություն հաստատել պայքարող կողմերի միջև։

Վարդան Այդեկցին Ներսես Պարթևի տեսիլքին արձագանքելով 1204 թ. խաչակրաց շրջանում արշավանքներից հետո, այդ տեսիլքը ավելի սերտորեն է կապում Կիլիկյան իրականության՝ Լևոնի թագավորության, «արիական» զորքի և հայերի գործակցության հետ։ Խոսում է անօրեններից յոթնապատիկ վրեժ լուծելու և Տրդատի ազգից թագավոր նստելու մասին, երբ երկրում կհաստատվեն խաղաղություն և այնպիսի արդյունք կարգեր, որ ննջեցյալները կասեն՝ «վայ և շատ ավարդ, որ ոչ ժամանեցաք ի բարի ժամանակս այս...»։

Երկրային դրախտի բաղձանքը Այդեկցին կապում էր խաչակրաց նոր արշավանքի հեռանկարների հետ։

Կիլիկյան մտածող Վարդանին հակառակ, Սյունիքում մոնղոլների կողմից արտոնված, հարկերից ազատված և իր հողային տիրույթները ընդարձակելու հնարավորություններ ստացած եկեղեցու հովվապետներից Սյունյաց միտրոպոլիտ Ստեփանոս Օրբելյանը ազատագրական պատրանքներ էր կապում «քրիստոսասեր» իշխողների (իմա՝ մոնղոլ խաների) հետ, որոնց հարկով նոր կյանք կստանան հայ աշխարհիկ և հոգևոր ֆեոդալները և այդ իշխողների ձեռքով, ըստ նրա, էջմիածնում պիտի վերականգնվեն հայոց թագավորական գահն ու հայրապետական թոռը։ Հեղինակը ուշագրավ զուգահեռներ է անցկացնում Գոշի և Ստեփան-

նոս Օրբելյանի քաղաքական հայացքների միջև։ Անդրկովկասի քրիստոնյա ժողովուրդների միավորման դռշյան գաղափարին հակադիր էին Սյունյաց իշխանների անջատական ձգտումներն արտահայտող Օրբելյանի գաղափարները, բայց նրանց միավորում էր պայքարը հայերի և նրանց դավանանքի ինքնության համար ընդդեմ քաղկեդոնականության և Հռոմի հետ եկեղեցական միավորման։

Երկրորդ բաժնի շորորող գլուխը նվիրված է գյուղացիական ազատագրական շարժումների և առասպելի փոխհարաբերության հարցին։ Հեղինակը իրավացի է, երբ ասում է, թե ժողովրդական զանգվածներն էին ոչ միայն նյութական բարիքների ստեղծողները, այլև ազատագրական պայքարի գլխավոր հենարանն ու առաջնորդ ուժը։ Հետևաբար ազատագրական առասպելի մեջ գրունդված բաղձանքները, արտացոլելով գերազանցապես իշխող վերնախավերի տրամադրությունները, կարող են լիակատար չափով իմաստավորվել միայն հայ գյուղացիության մղած ազատագրական պայքարի ֆոնի վրա։

Հիմնականում հայ գյուղացիությունն էր, որ անցնելով հայ ժողովրդի գլխին եկած պատմական բոլոր փորձությունների միջով, պահպանեց հայ լեզուն, մշակույթը, սովորությունները, նա էր, որ ապահովեց իրեն իսկ ժողովրդի գոյությունը։ Բոլոր զավթիչների դեմ ցույց տրված դիմադրությունները, — ասում է հեղինակը, — հիմնականում կրում էին գյուղացիության մղած ազատագրական շարժումների բնույթ։

Հեղինակը իրավացի է, առարկելով պրոֆ. Ն. Ադունցին, որի կարծիքով ազատագրական շարժումները առաջանում էին ֆեոդալական միջավայրում, իսկ Հայաստանի ազատագրությունը արարական լծից, հայ պետականության վերականգնումը IX դարի վերջերին կազմում է սոսկ Բաղրատունյաց արքայական տան պատմական «փառքը»։ Իրականում ժողովուրդների պարբերաբար կրկնվող ապստամբությունները խալիֆաթի ծայրամասերում պայմաններ ստեղծեցին տեղական թագավորությունների առաջացման համար։ Հեղինակը ճշմարիտ կերպով գտնում է, որ ժողովրդի ազատագրական պայքարը արարների դեմ կրում էր միաժամանակ սոցիալական բնույթ։ Ապստամբություններ էին ծագել Վրաստանում, Աղվանքում՝ գյուղացիական զանգվածների և տարբեր տեղերում գլուխ բարձրացրած մանր ֆեոդալների մասնակցությամբ։ Այստեղից հեղինակը եզրակացնում է. «Մասսայական ապստամբությունները ճնշելու նպատակով է, անշուշտ, որ խալիֆաթն ու Բյուզանդիան «էրմենիայի» սահմաններում գոյություն ունեցած մյուս իշխա-

նությունների նկատմամբ շտապեցին ճանաչել Շիրակի Բագրատունիների գերիշխանությունը» (էջ 332): Չժխտելով այդ հանգամանքի նշանակությունը, սակայն պիտի ասենք, որ հեղինակի եզրակացությունը միակողմանի է, հաշվի չի առնում արաբա-բյուզանդական մրցակցությունը, Հայաստանի և հայերի դեռևս այդ մրցակցության մեջ, հայ-բյուզանդական դաշինքը և արաբների ձգտումը՝ Հայաստանը պահելու իրենց գերիշխանության ներքո:

Կարևոր ենք համարում հեղինակի ընդհանրացումը հայ ժողովրդի պատմությունը առաջ մղող ներհակությունների վերաբերյալ: Հեղինակը գտնում է, «Հայ ժողովրդի հավաքականություն և Հայաստանում իշխած օտարակրթաբունությունների հակամարտը մի կողմից, և հայ ժողովրդական մասսաների ու հայ հասարակական վերնախավերի հակամարտը մյուս կողմից, հանդիսանում էին ֆեոդալական Հայաստանի պատմության առաջմղիչ ներհակությունները: Հայ ժողովրդի միջնադարյան ամբողջ պատմությունն ընթանում էր այդ ներհակությունների մերթ մի, մերթ մյուս արտահայտության նշանաբանի տակ», հաճախ էլ երկուսի զուգորդությամբ, կավերացնենք մենք, մանավանդ հեղինակը նշում է, որ խոշոր սոցիալական շարժումները ուղղված էին և՛ ներքին, և՛ արտաքին կեղեքողների դեմ:

Քննարկվող գլխի առանցքը կազմում է Թոնդրակյան շարժման, նրա ժամանակի, գաղափարախոսություն և դերի հարցը: Հեղինակը նոր խոսք է ասում Թոնդրակյան շարժման առաջացման ժամանակի և տեղության մասին, գիտական ճիշտ գիրքերից խորը վերլուծության է ենթարկում շարժման սոցիալական էությունն ու գաղափարախոսությունը, ցույց է տալիս նրա կապերը հարևան երկրների սոցիալական շարժումների գաղափարախոսության և դրսևորման ձևերի հետ, քննարկում է շարժման զարգացումը տարբեր էտապներում:

Հիմնավորված ենք համարում հեղինակի եզրակացությունը, թե «Թոնդրակյան շարժումը սոսկ հայ եկեղեցու դավանաբանության դեմ ուղղված մի աղանդ չէր կամ սոսկ հայ ֆեոդալների դեմ բորբոքված մի հուզմունք»: Այն ուղղված էր ոչ միայն հայ տիրող դասերի, այլև Հայաստանի նկատմամբ քաղաքական հավակնություններ ունեցող օտար կեղերիչների դեմ (էջ 353):

Առանձնապես կարևոր ենք համարում Հայաստանի ներքին սոցիալական ճգնաժամի մանրամասն վերլուծությունը: հեղինակը նշում է դրա խորացումը՝ Թոնդրակյան շարժման ծավալմամբ ոչ միայն գյուղաշխարհում, այլև քաղաքներում, օրինակ, Արշում, որ առաջին անգամ պարզի է բանասեր Աս. Մնացական-

յանը, այնուհետև նրա տարածվելը Հարավային և Արևմտյան Հայաստանում: Հեղինակն ընդգծում է Թոնդրակյան շարժման վճռական նշանակությունը Հայաստանի ֆեոդալական դասերի՝ աշխարհիկ և հոգևոր ֆեոդալների ներքին ու արտաքին քաղաքական դիրքորոշման գործում, մանավանդ այն բանից հետո, երբ Բագրատունիների թագավորությունը անկարող գտնվեց ճնշելու շատ լայն ծավալ ընդունած և ժողովրդական սոցիալական պատերազմի բնույթ ստացած այդ շարժումը, որը դուրս էր եկել Բագրատունիների թագավորության սահմաններից: Գրիգոր Մագիստրոսի, Վեստ Սարգսի և Պետրոս կաթողիկոսի գլխավորած քաղաքական ուղղությունը Բյուզանդիայի գիրկը նետեց ամենից առաջ Թոնդրակյան շարժումը: Բյուզանդական առավել զորեղ զենքով ճնշելու նպատակով Այս ամենով բացահայտվում է նաև Բագրատունյաց թագավորության անկման գլխավոր սոցիալական պատճառը, որը շատ ավելի վճռական դեր խաղաց այդ հարցում, քան ֆեոդալների կենտրոնախույս ձեռնարկների դերն էր:

Հեղինակը գտնում է, որ Թոնդրակյան ժողովրդական շարժումը X—XI դարերում դարձել էր հայ հասարակական կյանքի գլխավոր զսպանակը:

Քննարկելով Թոնդրակյան և մյուս շարժումները, հեղինակը ցույց է տալիս, որ ժողովրդը ուներ ազատագրական պայքարի իր սեփական ուղին, իսկ ազատագրական առասպելը ցուցաբերել է ժողովրդի ռեյուցիոն տրամադրությունները նենգափոխելու և նրան բռնած պայքարի ուղուց շեղելու միտում:

Անդրադառնալով «Սասնա ծռեր» հայ ժողովրդական վեպի և ազատագրական առասպելի փոխհարաբերությանը, հեղինակը միանգամայն ճիշտ բնագծում է, որ թեև դրանք առաջացել և ձևավորվել են նույն ժամանակաշրջանում և միևնույն պատմական իրադրությունների մեջ, սակայն կատարյալ հակոտնյաներ են: Առասպելի դրսեկ ուժերի միջամտությանը, վեպը հակադրում է ժողովրդի միջից ելած նրա հավաքական կամքով, ուժով և բարոյական կորույթով օժտված հերոսների ազատագրական պայքարը: Մինչդեռ առասպելն անդրադարձնում էր իշխող դասերի ազատագրական ակնկալությունները, վեպը արտացոլում էր «Ժողովրդական մասսաների վարած պայքարի գեղարվեստական հանրապատկերը»: Վեպի հերոսները իրենց պայքարը ուղղում են ոչ թե որևէ ժողովրդի՝ «խամաչեացիների», «հաղորացիների» կամ «նետողների», այլ նրանց ևս ճնշող հարստահարողներին՝ մարմնավորող բռնակալների դեմ, որոնք խաղաղ դրացիություն չեն հարգում և իրենց ժողովրդին պա-

տերազմի են քշում ուրիշների դեմ, նրանց վրա
ևս բռնանալու և դաժանորեն կեղեքելու համար
Բնորոշ է, որ եթե առասպելի մեջ Ֆրանկ-
ները ներկայանում են ազատարարի դերով,
ապա վեպի մեջ նրանք նվաճողներ են և վեպի
մի շարք պատումներով Դավթի սուրը իջնում
և նաև Պապ-Ֆրենկի գլխին:

Այնուամենայնիվ պետք է նկատել, որ իր
աշխատության առանցքը դարձնելով ազա-
տագրական առասպելի քննությունը, հեղինակը
միայն բնդհանուր գծերով և առասպելին հա-
կադրելու իմաստով է քննում հայկական մեծ
վեպը, որի մեջ հայ ժողովրդի ազատագրական
պայքարը և նրա գաղափարախոսությունը
երևան են գալիս զարմանալի խորությամբ,
բազմազան կողմերով ու կապակցություններով
և հարուստ երանգներով:

«Դրվագներ հայ ազատագրական մտքի
պատմության» խորագիրը կրող աշխատության
մեջ ազատագրական վեպը պետք է ավելի լայն
տեղ գտներ և առավել մանրամասն վերլուծվեր:
Աշխատության վերջին գլխում քննարկված է
կոլմեդիաների հակամարտը ուշ միջնա-
դարում:

Հեղինակը ֆեոդալական Հայաստանի պատ-
մության մեջ տեսնում է երկու իրարամերժ
պատմաշրջան՝ նույնքան իրարամերժ տենդենց-
ներով: Առաջինը ֆեոդալական հարաբերու-
թյունների զարգացման և ֆեոդալական իշ-
խանությունների ամրացման շրջանն է՝ հինգե-
րորդ դարից մինչև մոնղոլները: Այդ շրջանում
են առաջանում Անդրկովկասի և Հայաստանի
մի շարք ֆեոդալական պետությունները, Ան-
դրկովկասի ժողովուրդների պետական միա-
վորման ձգտումն ու փորձերը՝ ուղեկցված
օտար տիրապետողների դեմ հայերի, վրացի-
ների և աղվանների համատեղ պայքարի հա-
ջողություններով: Այս շրջանում ժողովրդի
ազատագրական պայքարը երևան է գալիս
տարբեր ուղղություններով և ծավալուն շարժ-
ման ձևով:

Երկրորդ շրջանը սկսվում է մոնղոլական տի-
րապետությամբ, երբ ֆեոդալական տները
նվազում, նրանց իշխանությունները մանրա-
նում են, երկրի տնտեսական կյանքը անկում
է ապրում, քաղաքները ամայանում են: Հա-
յաստանի ու Անդրկովկասի ժողովուրդների քա-
ղաքական կապերը միավորված պետության
հետ թուլանում, ապա խզվում են, ազատագրա-
կան շարժումները կորցնում են իրենց մասսա-
րական բնույթը և հետզհետե տեղի տալիս
ամուլ ու ապարդյուն բանագնացություններ:

IX—XIII դարերի զարգացած ֆեոդալիզմը
իր հետագա նորմալ առաջընթացը չի ապրում,
բնդհակառակը, տեղի է ունենում վերադարձ

դեպի մի կացություն, որը հիշեցնում է ֆեո-
դալիզմի պրիմիտիվ աստիճանը:

Հայն չափերի է հասնում ֆեոդալական տար-
րերի էթնիկական և սոցիալական դիմահեղումը
և քայքայումը: Դեռևս հույների, սելջուկների
ժամանակ ծայր առած դավանափոխությունը,
ֆեոդալական օտար տարրերի հաստատվելը
երկրում, ապա և ֆեոդալների կրոնական սրե-
մավորումը, տեղական ֆեոդալներին, նաև եկե-
ղեցականներին տիրույթներից և իշխանությու-
նից բռնի զրկելը և այլն մեծ չափեր են բնդու-
նում Հանգ Թամուրի ժամանակներում: Տեղի
էր ունենում նաև ժողովրդական մասսաների
էթնիկական դիմահեղում, որը նույնպես հետե-
վաք էր օտարների տիրապետության քայքայիչ
ազդեցության, արտագաղթի, գերեվարության,
տեղահանությունների: Հայ ժողովուրդը ցիրու-
ցան եղավ ամենուրեք օտար ժողովուրդների
մեջ, ժողովրդական զանգվածների շարկապը
խզվեց, «բակտեցան ամենայն միաբանություն»,
հայ ժողովրդի հավաքական ուժը կազմալուծ-
վեց: Նման պայմաններում հայ քաղաքական
կյանքը բոլորովին նվաղում է, ազատագրական
շարժումները թուլանում են, սահմանափակ-
վելով XV—XVII դարերի դիվանագիտական
ապարդյուն բանակցություններով:

XV դարում զորեղանում են հայ կղերի եկե-
ղեցապետական ձգտումները, որոնց ցայտուն
արտահայտիչն էր Թովմա Մեծոփեցին: Սրա
գործունեությունն ուղղված էր ոչ միայն հայե-
րի եկեղեցական վերամիավորումը իրականաց-
նելու, այլև էջմիածնում վերականգնված հայ-
րապետական աթոռի գերիշխանությունը նաև
քաղաքական կյանքում հաստատելու նպա-
տակին:

Նույն երազանքներն ուներ նաև Աղթամարի
Զաքարիա կաթողիկոսը Մեֆեդիսյանների տնից,
որը փորձում էր եկեղեցու միջոցով վերահաս-
տատել նաև Վասպուրականի քաղաքական
միությունը: Այդ նպատակով նա ջանքեր էր
գործադրում Ջհանշահի օգնությամբ վերա-
կանգնել Վասպուրականի վաղուց հանգած
թագավորությունը: Նրա հաջորդը՝ Ստեփանոս
կաթողիկոսը 1466 թ. թագավոր օծեց իր եղ-
րորը՝ Սմբատ Սեֆեդիսյանին:

Այս օրապակաս թագավորը Աղթամարի հո-
գևորականների դրածոն էր և Կարա-Կոյունլու
Ջհանշահի և Ակ-Կոյունլու Ռազուն-Հապսնի մի-
ջև տեղի ունեցող պայքարի դիվանագիտական
խրտվիլակը, մյուս կողմից՝ նրա թագավորու-
թյունը հայ ֆեոդալական տների՝ կաթողիկո-
սական գավազանին և արքայական մականին
աիրանալու հին կոիվների մի անփառունակ ար-
տահայտություն էր: Այնուամենայնիվ դա ցույց
էր տալիս, որ քաղաքական ինքնուրույնություն
գաղափարը դեռևս բոլորովին մարած չէր:

խոսելով եկեղեցապետական մտայնության բազմաթիվ արտահայտությունների մասին, հեղինակը դիպուկ կերպով եզրակացնում է. «Հայ բաղաբական մտքի թեոկրատական վերագրեստավորումը ազդանշում էր այն դասալքումը, որին ենթարկվում էր այս դարերում տկարացած ու փոշիացած Հայ աշխարհիկ ֆեոդալիզմը» (էջ 455)։

Բազմաթիվ փաստեր մեջբերելով, հեղինակը բացահայտում է աշխարհիկ ֆեոդալների այդ դասալքման, եկեղեցական սքեմավորման և եկեղեցու քղի տակ իրենց տիրույթները պահպանելու պատկերը։ Այս ամենին հետևում է սոյալարհիկ ֆեոդալների արատավոր բարքերի ու քմաքների ճոխ զարգացումը հոգևորականության մեջ, հակադիր աշխատավոր զանգվածների աղետալից կյանքին ու նյութական թշվառություններին։ Այս պայմաններում բորբոքվեց Մելիսեի գլխավորած շարժումը XVII դարի սկզբներին, հակակեղեցական ժողովրդագրատագրական շարժումներին բնորոշ գծերով։ Նույն XVII դարում հայ կղերը հիշում էր ազատագրական առասպելի մասին, սակայն խոսում էր առավելապես Հայոց տան ավերի, րակտման, բարքերի ապականության, օրենքի, արդարության խանգարման, վերջապես՝ աշխարհի կործանման մասին, զանց առնելով առասպելի քաղաքական կանխատեսումները, ինչպես դա անում էր Գարանաղցին։ Իսկ Հակոբ Կարնեցին Հայաստանը զավթած թուրքերին համեմատելով Դանիելի մարգարեության չորրորդ գագաթին հետ, որը «հանգ էր և զարմանալի, ուսէր և զմնացեալսն առ ոտն կոխէր», այնուամենայնիվ բնորոշության կոչ չէր անում։ Ես ոչ մի հավատ չունեմ նաև դեպի քրիստոնյա Արևմուտք հայոց առասպելը. «Կատարած աշխարհի մերձեալ է, վասն այնորիկ կարապետք նեռին երևեն տեղիս և ծանուցանեն մեզ գգայուսու նորա»։

Հայ ժողովրդին բաժին ընկած անասելի ծանր վիճակից ելք չտեսնելու այս անհեռանկար մտայնությունն էր իշխում հայ հոգևորականության շրջաններում XVII դարում։

Գրքի վերջում հեղինակը քննարկում է դավանաբանական կողմնորոշումների և պայքարի հարցը։ Եթե քաղկեդոնական և հակաքաղկեդոնական, ունիտորական և հակաունիտորական վեճերն ու պայքարը անդրադարձնում էին հարևան մեծ տերությունների հակամարտ, նրանց քաղաքական ազդեցությունների ելևէջները և դրանց հետ կապված ակնկալությունները, ապա եկեղեցական դավանաբանական պայքարի ներքին զսպանակները հանդիսանում էին տրանզիտ առևտուրը և Հայաստանի քաղաքների կապը դրա հետ։

Խոսելով քաղկեդոնականության եկեղեցական

օջախների մասին, հեղինակը կրկնում է ընդունված այն տեսակետը, թե քաղկեդոնական էին այն եկեղեցիները, որտեղ որմնակարներն էին հանդիպում։ Այդ տեսակետը վերանայված է և պարզված, որ չի կարելի քաղկեդոնականների կառուցածը կամ նկարագրողածը համարել ամեն մի եկեղեցի, որտեղ որմնակարներն արվել։ Պարզված է որ պատկերամարտությունը Հայաստանում դրսևորվել է առավելապես այն ժամանակ, երբ զորեղ են եղել բյուզանդական քաղաքական ճնշումը և նվաճողական հավակնությունները։ Իսկ դրանց թուլացման կամ բացակայության պայմաններում որմնակարները հայկական եկեղեցիներում արվել են սովորական կարգով, չհանդիպելով պատկերամարտության և հանդիսանալով քաղկեդոնականության արտահայտություն։ Իհարկե նկատի չունենալ այն դեպքերը, երբ որմնակարները երևան են եկել Հայաստանի տերիտորիայի վրա տարրեր ժամանակներում գտնվող հատուկներ քաղկեդոնիկ եկեղեցիներում։

Քաղկեդոնականությունը Հայաստանում, — իրավացի նկատում է հեղինակը, — հանդիպելով ժողովրդական զանգվածների դիմադրությանը և առանձին հաջողություններ չունենալով, տեղի տվեց և նահանջի դիմեց սելջուկյան և մոնղոլական հարվածների տակ նահանջող կայսերական բանակների հետ։ Այնուհետև զորեղանում են սյուլական եկեղեցու կողմից հրահրվող և առավելապես Կիլիկիայում, մասամբ և Արևելյան Հայաստանում, իրենց արտահայտությունները գտած ունիտորական քարոզը, ձգտումները և պայքարը դրանց շուրջ։

Հեղինակը փաստերով ցույց է տալիս, որ «Ունիտորական պրոպագանդի առաջավորաստիական ուղիները համընկնում են համաշխարհային առևտրի առաջավորաստիական մագիստրալի հետ» (էջ 468)։ Ունիտորությունը լիենելով գերազանցապես պապական եկեղեցու և Իտալիայի ու այլ կենտրոնների շահախնդրությունների գործիքը, միաժամանակ նկատելիորեն արտահայտում էր Հայաստանի քաղաքարևակչության, մանավանդ տարանցիկ առևտրի հետ կապված հայ առևտրականների շահերը։ Այլ կերպ նա հող չէր գտնի ծիլեր արձակելու համար։ Իրենց հաջողությունը ապահովելու նպատակով ունիտորները երևան էին գալիս ժամանակի գիտության որոշ պահանջներին ընդառաջողի տեսքով, մատչելի մտքերով և պարզ հասկանալի լեզվով քարոզելու պահանջով։ Նրանք շահատակում էին նաև հայ եկեղեցու և հոգևորականության թուլվող կողմերի ու արատների քննադատությունը, ծածկելով սուպական եկեղեցու հանցանքներն ու արատները։

Ունիտորները սերմանում էին սպառնական

եկեղեցու միջոցով հայերի ազատագրման և Հոռոմի եկեղեցապետության դադարեցումը, Հակադրվելով դրան, Տաթևացու և Որոտնեցու դպրոցը առաջ էր քաշում առանց Արևմուտքի օգնության հայ թագավորական զահր և կաթողիկոսական աթոռը էջմիածնում վերականգնելու, թագուր և գավազանը միավորելու՝ հայկական եկեղեցապետության դադարեցումը:

Քաղաքների և առևտրի անկման պայմաններում ունիտորական քաղաքը ծավալուն և տեական հաջողություն չունեցավ: Հեղինակը դրան պետք է ավելացնել նաև քաղաքական հանգամանքների ավելի աննպաստ բնույթ ստանալը՝ խաչակրաց արշավանքների անհաջողության և Կիլիկյան հայկական թագավորության անկման հետևանքով:

Այնուամենայնիվ XV—XVII դդ. եվրոպական պետությունների միջամտությամբ ազատագրվելու պատրաստիվ ուղեկցված ունիտորական քաղաքը և հակամարտոր այդ ֆարցի շուրջը շարունակվում էին, երբեմն առանձին ուժ ստանում բնախարհից դուրս հայ այն դադարներում, որտեղ առևտրական կապիտալը դարձանալու և Արևմուտքի հետ կապերը ընդլայնելու հնարավորություն ուներ: Այս պայմաններում կաթողիկ քաղաքները լայնորեն օգտագործում էին հայ ազատագրական առասպելը, խոստանալով Արևմուտքի միջամտությունը, և թե՛ հայերը պապական եկեղեցու հոտը դառնալու պատրաստակամություն ունենան, իսկ դրա տրեստեական-քաղաքական, շահագրիտական նպատակագրումը ավելի հեռու է դնում:

Ամփոփենք: Փնտրելով աշխատությունը ընդգրկելով հայ ազատագրական մարքի պատմությունը վաղ միջնադարից մինչև XVII դարը՝ շուրջ 1200 տարի կազմող մի բնագրական ժամանակաշրջան, շոշափում է հայ ժողովրդի և հայ հասարակական մարքի բազմաթիվ կարեվոր հարցեր, այն հաջողված և ինքնատիպ աշխատություն է և որպես այդպիսին, կարևոր ներդրում է հայագիտության մեջ:

Ազատագրական առասպելը դրսևորել է հայ իշխող դասերի քաղաքական կողմնորոշումները և դրանց հաջորդական շրջադարձերը դրոհ ուժերի նկատմամբ, այդ ուժերից ազատություն սկսելակալու որոշակի միտումով: Մեր հեղինակն էլ ազատագրական մարքի պատմության հարցերը քննարկելով առավելագույն ազատագրական առասպելի կապակցությամբ, հարկադրված է եղել շատ հաճախ խոսելու հենց այդ կողմնորոշումների մասին: Դա, ըստ երևույթին, պետք է բացատրել այն բանով, որ «Գրվածքների ընդհանուր առանցքը,— ինչպես հեղինակն է ասում,— կազմում է այն փաստերի ուսումնասիրությունը, որոնցով նախապատրաստվել ու սկզբնավորվել է իր ազատագրման

համար պայքարող հայ ժողովրդի քաղաքական շրջադարձը դեպի Ռուսաստանը»: Այդ շրջադարձի պատմական հանգամանքներն ու իմաստը պարզելը հեղինակը համարում է դրվագների կարևորագույն խնդիրը: Հեղինակի ծրագիրն ու նպատակագրումը գովելի է, սակայն կարծում ենք, որ այդ բանն անելու համար մինչև վաղ միջնադարը դնալու և այնտեղից հո փերագրոնալու կարիքը չկար: Այդպես վարվելով հեղինակը ստիպված է եղել հայերի կողմնորոշման դեգերումներին անհամեմատ ավելի անդրադառնալ, քան ազատագրական մարքի պատմության հետ կապված մի շարք այլ հարցերի: Պատահական չէ, որ այն գլուխներում և հատվածներում, որոնց մեջ ազատագրական առասպելը և կողմնորոշումների հարցը հտին պլանի վրա են մղվում (քաղաքական-շուրջներ և առասպելը, գյուղացիական-ազատագրական շարժումները և առասպելը, հայվրացական կապերը և համագործակցությունը ազատագրական պայքարում և այլն) ազատագրական մարքի պատմությունն էլ ավելի լայն հիմքերի վրա և բազմակողմանիորեն է քննարկվում:

Դրվագների առաջին դիրքը ժամանակի և հարցերի բնագրությունով շատ է դուրս եկել հայ ազատագրական մարքի՝ դեպի Ռուսաստան դիմադրման նախապատմության շրջանակներից և ստացել է ինքնուրույն ուսումնասիրության բնույթ: Սակայն նշանակալի չափով մնացել է կաշկանդված հեղինակի սկզբնական նպատակագրումով, ուստի հայ ազատագրական մարքի բոլոր հարցերը չէ, որ նրա մեջ քննարկված են անհրաժեշտ ծավալով ու խորությամբ:

Առանց այդ թերությունների հեղինակի այս ինքնատիպ աշխատությունը ավելի քան արժեքավոր կլինելու ինչ այն ինքնատիպ է, որովհետև առաջին անգամ մարքսիստական պատմագրության դիրքերից քննարկում է հայ հասարակական մարքի մի ուրույն կողմը՝ ազատագրական մարքի պատմությունը: Աշխատությունն խոշոր արժեքը պիտի համարել այն, որ նրա մեջ հաջորդաբար քննարկված և բնութագրված են ժողովրդի քաղաքական պատմության տարրերը դարաշրջանները իրենց սոցիալական բովանդակությամբ և ներքին ու արտաքին քաղաքական հանգամանքներով: Նշված է, թե որ դարաշրջանում ինչն էր գլխավորը և որոշիչը՝ բացահայտված է ազատագրական առասպելի և տնտիվքների ու սոցալակությունների բուն իմաստը, դրանք ստեղծող սոցիալական միջավայրը՝ իր դասային տարբերակումներով, որոնք իրենց չորովի կնիքն են դրել առասպելի վրա, ըստ որում այդ ամենը տրված է իրեն հարատև շարժման, դարգացման և փոփոխությունների մեջ:

Հաջող է ազատագրական սին պատրանքներից ու դրսի միջամտության մտայնությունից զերծ ժողովրդական զանգվածների ազատագրական պայքարի և սեփական ուղու վերլուծությունը, բացահայտված է ժողովրդի դերը հայոց պատմությունից մեջ: Հեղինակը նոր խոսք է ասում Թոնդրակյան ժողովրդական շարժման առաջացման, նրանց գաղափարախոսության սոցիալական բովանդակության, ներքին և արտաքին կեղծիքների գեմ ուղղված լինելու և իշխող ֆեոդալական դասերի քաղաքական կողմնորոշումների մեջ նրա որոշիչ դերի մասին:

Հեղինակը բացահայտել է Անդրկովկասի ժողովուրդների բարեկամության քաղաքական և դադափարական դրսեորոշմանը, ցույց է տվել, որ Անդրկովկասի ժողովուրդների բարեկամությունը և պետական միավորման փորձերը, ինչպես հայ, նույնպես և վրաց Բաղրատունիների ջանքերով ձևավորվում էին այդ ժողովուրդների պատմական բախտակցության, արտաքին ոտնձգություններից պաշտպանվելու կամ օտարի լուծը թոթափելու նպատակով դարավոր դինակցության, նրանց տնտեսական ու կուլտուրական կապերի վրա: Քաղաքական և զինական միասնությունը գիտակցվում էր իբրև միավորող ժողովրդի պետական անկախության պահպանման ու ամրապնդման և միավորվող եղբայրակից ժողովուրդներին արտաքին նվաճ-

ման վտանգից կամ օտար լծից ազատագրելու պայման:

Վերջապես, առաջին գրքում ցույց են արվում սոցիալական և քաղաքական այն պայմաններն ու իրադրությունները, որոնց հետևանքով ազատագրական շարժումները XV—XVII դարերում նվազեցին, արևմտյան կամ արևելյան հորիզոններում կատարվող ազատագրական ղեկերումները արդեն սկսեցին էրեան բերել իրենց սնանկությունը, սակայն ազատագրական հույսը անմար մնաց: Դեպի Արևմուտք ապարդյուն բանագնացություններից հետո հայ ազատագրական միտքը պիտի շրջվեր դեպի մի, նոր հորիզոն՝ հյուսիս՝ Ռուսաստան:

Երկրորդ գրքում, որը լույս է տեսել 1959 թ., մանրամասնորեն տրված է օտմանյան և սեֆելվյան տիրապետության և XV—XVII դդ. չալատանի ազատագրման հարցի շուրջը արևմտավրասական պետությունների հետ հայերի ունեցած բանակցությունների պատմությունը և ի վերջո՝ Խորաշել Օրու զործոնելության բնական վերլուծությունը, հայ ազատագրական մտքի դարակազմիկ շրջադարձը և ժողովրդի ազատագրական անկախությունների լծորդումը Ռուսաստանի հետ:

Բ. ԱՌԱՔԵՆՅԱՆ

И. К. КУСИКЬЯН, *Очерки исторического синтаксиса литературного армянского языка*. Изд. Академии наук СССР, Москва, 1959.

Վաղուց էր զգացվում հայերենի պատմական շարահյուսության ուսումնասիրության անհրաժեշտությունը: Հայերենի տարբեր փուլերի շարահյուսության ստատիկ վիճակի նկարագրական ուսումնասիրություններ քիչ չեն հրապարակվել: Ինչպես՝ Ստ. Պալատյանի «Գործնական բերականություն» երկրորդ հատորը՝ «Համաձայնությունը» (որտեղ քննության են առնված միայն գրաբարի լեզվական իրողությունները, 1889 թ.), ակադ. Ստ. Մալախյանցի «Գրաբարի համաձայնությունը» (1892), Հար. Թումանյանի «Հայոց աշխարհագրաբար լեզվի համառոտ համաձայնությունը» (1911), պրոֆ. Մ. Արևիկյանի «Աշխարհագրաբարի շարահյուսությունը» (1912), պրոֆ.-դոկտ. Գ. Ահալի «Հայոց լեզվի շարահյուսություն» (1937), և գոցենտ Վ. Առաքելյանի «Շարահյուսությունը» (արդի հայերենի լեզվական փաստերի վրա հիմնված, հ. Ա., 1959) աշխատությունները,

էլ չենք խոսում գրաբարին վերաբերող շարահյուսական այն հարուստ դիտողությունների մասին, որոնք սփռված են դասական հայերենի մեր խոշորագույն քերականների ձեռնարկներում: Առվածին պետք է ավելացնել նաև այն, որ պատմա-համեմատական լեզվաբանության կարկաստին ներկայացուցիչ և միաժամանակ խոշոր հայագետ Անտուան Մեյլեն, ի տարբերություն վերը հիշյալ հեղինակների, առաջին անգամ դասական հայերենի շարահյուսական իրողությունները վերլուծության է ենթարկել պատմա-համեմատական լեզվաբանության անսանկյունից:

Սակայն հայերենի պատմական շարահյուսության ուսումնասիրությունը, որը պետք է բնագրիկ հայերենի դարգացման բոլոր փուլերը, առաջին անգամ տրվում է պրոֆ. Հ. Կ. Կուսիկյանի վերջերս լույս տեսած «Գրական հայերենի պատմական շարահյուսության ուղղա-